

الحب وسنينه



نصحونى كثير وقالولى
ابعد عن الشر.. وغنيئه

ويوم ماقربت من الحب
عرفت إنه الشر بعينه

حببت ياناس وعشقت غزال
كان عمرى.. مشفتش غيره

وجريت وراه زي المجنون
مربوط بحبل مايبنى وبينه

واسهر ليالى بافكر فيه
واتمنى ألمح ضى عيونه

وطول نهاري أحوم حواليه
يمكن يحن أو اسمع صوته

عرضت قلبى وحبى عليه
رفضني.. وجرحنى غروره

حسيت بقلبي كأنه غريق
ومفيش إدين عاوزة تشيلهُ

خلاص ندمت وفوقت ياناس
هابعد عن الحب واغنيهُ

وبأعلى صوت أصرخ وأقول
يقطع الحب على سنينه